



Broj predmeta: 13-002534/23
Broj akta: 01.1-1528ZN-0023/24
Datum, 8. 2. 2024.. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 27/23 - prečišćeni tekst,) u skladu s članom 25. Zakona o javnim nabavkama («Službeni glasnik BiH», broj 39/14 i 59/22), člana 10. stav (1) tačka b) Instrukcije o organizaciji i internom postupanju u postupcima javnih nabavki u Brčko distriktu BiH broj:02-000209/22 od 18.1.2023. godine („Službeni glasnik Brčko distrikta BiH broj: 3/2023), Zapisnika o pregledu i ocjeni ponuda sa preporukom Komisije za javne nabavke broj: 13-002534/23 od 30.1.2024. godine i Mišljenja Pravobranilaštva Brčko distrikta BiH broj:M-147/24 od 6.2.2024. godine, gradonačelnik Brčko distrikta BiH d o n o s i,

ODLUKU O IZBORU NAJPOVOLJNIJIH PONUDAČA

Član 1.

(1) U provedenom otvorenom postupku, međunarodni vrijednosni razred, za nabavku radova izgradnje objekata za vodosnabdijevanje i kanalizaciju otpadnih voda na teritoriji Brčko distrikta BiH po lotovima 1-3 za potrebe Odjeljenja za komunalne poslove Vlade Brčko distrikta BiH, izabrani su najpovoljniji ponuđač kojima se dodjeljuje ugovor po pojedinim lotovima.

Naziv najpovoljnijeg ponuđača za Lot 1 je „TED INVEST“ d.o.o. Sarajevo.

Lot 1 – Izgradnja vodovodne mreže u ulici Birčanska u MZ Donji Brezik

Vrijednost ugovora sa uračunatim PDV-om iznosi

146.064,86 KM.

Naziv najpovoljnijeg ponuđača za Lot 2 je „SANTOVAC“ d.o.o. Brčko.

Lot 2 – Izgradnja sekundarne i vodovodne mreže u ulici Vukosavačka u MZ 1. Maj

Vrijednost ugovora sa uračunatim PDV-om iznosi

14.981,62 KM.

Naziv najpovoljnijeg ponuđača za Lot 3 je „HIDROMONT“ d.o.o. Srebrenik.

Lot 3 – Nastavak izgradnje vodovoda i kanalizacije u Ulici Srpka Petrovića I faza

Vrijednost ugovora sa uračunatim PDV-om iznosi

42.001,32 KM.

Član 2.

Postupak je proveden na osnovu Odluke o pokretanju postupka javne nabavke broj: 13-002534/23 od 11.10.2023. godine, Obavještenja o nabavci na portalu javnih nabavki broj: 1157-1-3-412-8-806/23 od 8.12.2023. godine, predmjera radova u vezi sa Tenderskom dokumentacijom broj: 13-002534/23 i ponuda ponuđača.

Član 3.

Finansiranje navedene nabavke će se izvršiti iz sljedećih izvora finansiranja:

LOT 1 - Iz kapitalnog budžeta 2024. godine, organizacioni kod 23020001, ekonomski kod 821200, pozicija: „Izgradnja vodovodne mreže u Ulici Birčanska, MZ Donji Brezik“, šifra projekta: 15195,

- iz kapitalnog budžeta 2024. godine, organizacioni kod 23020001, ekonomski kod 821200, pozicija: „Nastavak izgradnje i rekonstrukcije objekata vodosnabdijevanja za potrebe MZ Donji Brezik i naselja Pirometal i Gredice“, šifra projekta: 15305,
- iz kapitalnog budžeta 2024. godine, organizacioni kod 23020001 ekonomski kod 821200, pozicija: „Projekat za rješavanje problema vodosnabdijevanja i kanalisanja otpadnih voda na području Brčko“ šifra projekta: 15441;

LOT 2 – iz kapitalnog budžeta 2024. godine, organizacioni kod 23020001, ekonomski kod 821200, pozicija: „Izgradnja sekundarne vodovodne mreže u Ulici Vukosavačka (od br.116a do 118) u MZ 1. Maj“, šifra projekta: 15358;

LOT 3 – iz kapitalnog budžeta 2024. godine, organizacioni kod 23020001, ekonomski kod 821200, pozicija: „Nastavak izgradnje vodovoda i kanalizacije u Ulici Srpk Petrovića“, šifra projekta: 15376;

Obrazloženje

Komisija za nabavke je nakon izvršenog otvaranja ponuda konstatovala da je dostavljeno pet ponuda, ponuđača: „Santovac“ d.o.o. Brčko, „Ted Invest“ d.o.o. Sarajevo, „Hidromont“ d.o.o. Srebrenik, „Gradnja – Cop“ d.o.o. Brčko i „Astra plan“ d.o.o. Brčko. Sastavni dio odluke čini zapisnik sa otvaranja ponuda, zapisnik o pregledu i ocjeni ponuda i izvještaj o toku i završetku e-aukcije za Lot 1. Ponude su bile prihvatljive prema obliku, sadržaju, potpunosti, načinu pripreme i dostave ponude. Izvršen je analitički prikaz postoje li razlozi isključenja ponuđača – kvalifikacioni kriteriji u skladu sa članom 45. do 51. zakona. Utvrđeno je da ponuđač „Gradnja Cop“ d.o.o. Brčko nije dostavio Izjavu o ispunjenosti uslova iz čl. 51. Zakona o javnim nabavkama kaoja je zahtijevana tačkom 5.4.2 tenderske dokumentacije pod b). Ponuđač je dostavio lišnu licencu za dipl. inžinjera građevine koju je trebao dostaviti do momenta potpisa ugovora. Ponuđač je mogao u momentu dostave ponude priložiti i navedenu licencu, ali isključivo uz izjavu ovlaštenog lica ponuđača iz čl. 51 Zakona o javnim nabavkama (Aneks 10). Dostavljanjem ove izjave ponuđač se pod punom krivičnom i materijalnom odgovornošću obavezuje na davanje istinitih podataka u vezi angažovanog tehničkog osoblja, te podliježe određenim kaznenim odredbama zakona ukoliko se navodi iz izjave prekrše kako je navedeno i u samoj izjavi, tako da je ponuda ponuđača „Gradnja Cop“ d.o.o. Brčko ocijenjena kao nekvalifikovana.

Ponuđač „Astra Plan“ d.o.o. Brčko je dostavio Izjavu o ispunjenosti uslova iz tačke 51. Zakona o javnim nabavkama koja je zahtijevana tačkom 5.4.2. tenderske dokumentacije pod b). U izjavi je bilo potrebno navesti podatke o angažovanom tehničkom osoblju u vezi sa zahtjevima iz tačke 5.4.1. pod b) tenderske dokumentacije, kao što su lični podaci (ime i prezime) sa naznakom stručne sprema koju lice posjeduje, odnosno licence koju će pribaviti do momenta potpisivanja ugovora i podatak na koji je način navedeno lice angažovano kod ponuđača (stalno zaposlen ili angažovan na neki drugi način) U dostavljenoj izjavi nisu dostavljeni podaci koji se odnose na zahtjeve iz tačke 5.4.1. pod b) tenderske dokumentacije. Ponuđač „Astra plan“ d.o.o. Brčko nije dostavio ponudu za Lot 2 na izmijenjenoj tehničkoj specifikaciji tako da je ocijenjen kao nekvalifikovan. Ponude ponuđača su ocijenjene kao

prihvatljive osim ponude ponuđača „Astra plan“ d.o.o. Brčko koji nije dostavio ponudu na lotu 2 na izmijenjenoj tehničkoj specifikaciji. Izvršena je računska kontrola ponuda i utvrđeno je postojanje računskih greški u ponudi ponuđača „Santovac“ d.o.o. Brčko za lotove 2 i 3 koji su dostavili saglasnost za ispravku. Nisu postojali elementi za sumnju u neprirodno nisku cijenu ponuda ni na jednom lotu. Analiza postojanja neprirodno niske cijene je vršena samo za Lot 1 jer je na drugim lotovima samo jedna ponuda ocijenjena kao prihvatljiva. Ponuđač „Santovac“ d.o.o. Brčko je dostavio ponudu za Lot 3 te je nakon ispravke računske greške ustanovljeno da je ponuda u iznosu od 36.350,24 KM bez uračunatog PDV-a, a procijenjena vrijednost za Lot 3 iznosi 36.000,00 bez uračunatog PDV-a, tako da je ponuda odbačena kao neprihvatljiva. Izvršena je e-aukcija za Lot 1 ali nije došlo da smanjenja cijena u odnosu na cijene sa otvaranja ponuda. Komisija je u skladu sa kriterijem najniže cijene dostavila preporuku o izboru najpovoljnijih ponuđača u postupku nabavke.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Gradonačelniku,
4. Odjeljenju za komunalne poslove,
5. Arhivi.

